



220200 Боғот шаҳарчаси, Ўзбекистон кўчаси, 18 уй. Тел: 31-52-807, факс: 31-52-425

2020 йил «21» апрел

№ 977ч

Боғот шаҳарчаси

Хўжалик қишлоғи ҳудудида фаолият кўрсатаётган “Метар” фермер хўжалигига қўшимча узоқ муддатли ижарага ер участкаси ажратиб бериш тўғрисида.

Хўжалик қишлоғи ҳудудида балиқчилик йўналиши бўйича фаолият кўрсатаётган “Метар” фермер хўжалиги бошлиғи И.Бейназаровнинг фермер хўжалигига қўшимча ижарага ер майдони ажратиб беришни сўраб туман ҳокими номига йўллаган сўровномасини ҳамда бу юзадан фермер хўжаликлари қишлоқ хўжалиги учун ер майдонлари ажратиш масалаларини кўриб чиқиш бўйича туман комиссиясининг, туман фермер, деҳқон хўжаликлари ва томорқ ер эгалари Кенгашининг хулосаларини, Халқ депутатлари туман Кенгашининг тавсиясини кўриб чиқиб, Ўзбекистон Республикаси “Ер кодекси”нинг 6,53-моддаларига, “Фермер хўжалиги тўғрисида”ги қонуннинг 11-моддаси ҳамда Ўзбекистон Республикаси “Маҳаллий давлат ҳокимияти” тўғрисида қонуннинг 6-моддасига асосланиб

ҚАРОР ҚИЛАМАН:

1. Хўжалик қишлоғи ҳудудида балиқчилик йўналиши бўйича фаолият кўрсатаётган “Метар” фермер хўжалигига Хўжалик қишлоғи ҳудудидаги туман ер захира фондидаги қишлоқ хўжалиги харитаси бўйича 373к-контурда умумий ер майдони 5,0 гектар, шундан 5,0 гектар қишлоқ хўжалиги фойдаланилмайдиган бошқа ерлардан иборат бўлган ер участкасини қўшимча ижарага ажратиб бериш мақсадга мувофиқлиги ҳақидаги фермер хўжаликлари қишлоқ хўжалиги учун ер майдонлари ажратиш масалаларини кўриб чиқиш бўйича туман комиссиясининг хулосаси маъқуллансин.

2. “Метар” фермер хўжалиги (бошлиғи И.Бейназаров)га Боғот туман ҳокимининг қарори билан ажратиб берилган 1229, 1230, 1231, 1232, 1234, 1237, 1238, 1239, 1240, 1241, 1242, 1243, 1244к-контурлардаги жами 24,8 гектар, шундан 3,1 гектар экин ери, 9,0 гектар бўз ерлар остида 1,2 гектар ариқ ва зовурлар остидаги ерлардан иборат бўлган ер участкаси қўшимча 373к-контурдаги умумий ер майдони 5,0 гектар, шундан 5,0 гектар

қишлоқ хўжалигида фойдаланилмайдиган бошқа ерлардан иборат бўлган ер участкаси билан умумий ер майдони 29,8 гектар, шундан 3,1 гектар экин ери, 9,0 гектар бўз ерлар остидаги, 1,2 гектар ариқ ва зовурлар остидаги, 16,5 гектар қишлоқ хўжалигида фойдаланилмайдиган бошқа ерлар билан банд бўлган ер участкаси қолган (46 йил) муддатга ижарага ажратиб берилсин.

3. "Метар" фермер хўжалигига кўшимча ер майдони ажратиб берилиши муносабати билан Боғот тумани ҳокимининг қарори билан "Метар" фермер хўжалигига ер майдони ажратиб бериш қисми ва ер участкасини узоқ муддатли ижарага олиш шартномаси бекор қилинсин.

4. Туман ер ресурслари ва давлат кадастри бўлими (Ш.Норбоев)га фермер хўжаликларида қишлоқ хўжалиги учун ер майдонлари ажратиш масалаларини кўриб чиқувчи вилоят комиссияси томонидан кўриб чиқилиб, вилоят ҳокими қарори қабул қилингандан кейин туман ҳокими билан "Метар" фермер хўжалиги ўртасида ер участкасини узоқ муддатли ижарага олиш шартномасини тайёрлаш, рўйхатга олиш ва ер участкасини жойида (натурада) далолатнома асосида белгилаб бериш вазифаси топширилсин.

5. "Метар" фермер хўжалиги (бошлиғи И.Бейназаров)га ажратиб берилган ер участкаси атрофларини бегона ўтлардан тозалаб бориш, ариқ бўйларига тут кўчатлари ўтказиш ва уларга қаровни белгиланган муддатларда амалга ошириш доимий вазифа қилиб белгилансин.

6. Ушбу қарорнинг тасдиғи фермер хўжаликларида қишлоқ хўжалиги учун ер майдонлари ажратиш масалаларини кўриб чиқувчи вилоят комиссиясидан сўралсин.

7. Ушбу қарорнинг ижросини назорат қилишни ўз зиммамда қолдираман.

Боғот тумани ҳокими



О.Холбоев